

說文古本考

說文古本攷第三卷上

嘉興沈濤養

卽部

卽 皿也象器之口犬所以守之

濤案尔疋釋器釋文引器皿也飲食之器从犬从器聲也與  
今本不同許書象形者本無其字卽乃部首且有四口不得  
云象器之口蓋古文作从犬所以守之卽聲元朗所引奪所  
以守之四字今本又爲二徐妄改耳玉篇引同今本當是後  
人據今本改

舌部

舌 在口所以言也別味也从干从口干亦聲凡舌之屬皆从

舌

濤案玉篇引作在口中所以立言者蓋古本口下有中字言上有立字古本當作在口中所以立言別味者也今本奪中字立字者字衍也字玉篇傳寫又奪別味二字耳六書故引李陽冰開口則干人故从干乃是當塗朮說非許義

以舌取食也从舌易聲舐或从也

濤案玉篇引食作物蓋古本如是以舌取物皆謂之舐不必專言取食也

干部

干犯也从反入从一凡干之屬皆从干

濤案六書故引蜀本說文曰千盾也與今本不同然一切經音義卷十三云千犯也觸也从一止也倒入爲千字意也雖不明引說文而實本許書則古本自作犯不作盾蜀本不可從

谷部

人合口上阿也从口上象其理凡谷之屬皆从谷啍谷或从此  
𪔐或从肉从康

濤案廣韻十八藥引又一曰笑兒四字蓋古本有之今奪

𠂔 舌見从谷省象形

濤案玉篇引象形下有一曰竹上皮五字蓋古本有之今奪

肉部

𠂔以錐有所穿也从矛从𠂔一曰滿有所出也

濤案廣韻六術引作一曰滿也乃傳寫奪有所出三字非古本如是

𠂔从外知內也从𠂔章省聲𠂔古文𠂔𠂔亦古文𠂔𠂔籀文𠂔

濤案汗簡卷上之一𠂔𠂔見𠂔書𠂔𠂔並見說文是古本重文篆體作𠂔不作𠂔矣二徐乃以古𠂔書之體誤竄於此

句部

𠂔曲竹捕魚筴也从竹从句句亦聲

濤案初學記卷二十二武部引筴者曲竹以爲之乃櫟括之

詞非古本如是御覽八百三十四賁產部引同今本可證

ㄣ部

𣎵繩三合也从糸ㄣ

壽案文選解嘲注引作三合繩也蓋古本如是玉篇亦云三合繩也門部闕字注讀若三合繩糾是許君不作繩三合一切經音義卷二十二引繩三合曰糾疑後人據今本改

十部

𣎵響布也从十有聲

壽案文選甘泉上林賦注皆引𣎵響布也蓋古本作響不作響𣎵響二字篆文連注讀

廿二十并也古文省多

濤案龍龕手鑑引無井字乃傳寫偶奪

計詞之卦矣从十耳

濤案廣韻二十六緝引作詞之集也蓋古本如是玉篇亦云  
辭之集正本說文段先生曰此下當有詩曰辭之計矣六字  
然許君偁詩毛氏今毛詩作輯不作計訓和不訓集則未必  
有此六字也

卅部

補卅

濤案廣韻二十六緝卅字注引說文數名是古本有卅篆林

部彙字从之注云卅數之積也與庶同意其爲今本誤奪無疑然廣韻數名二字亦恐有誤以廿字二十并卅字三十并例之當云四十并也玉篇云卅三十也卅四十也正本許書又案芥隱筆記曰據說文廿而集反二十并也卅速達反三十并也卅先立反四十并也是龔氏所見說文有此字其訓解正與廿卅同例

又案漢石經論語年卅而見惡焉正作卅字

言部

言部直言曰言論難曰語从口平聲凡言之屬皆从言

濤案藝文類聚十九人部御覽三百九十人事部引論難皆

作論議蓋古本如是本部語論也論議也議語也論議語三字互相爲訓則此文作論議不作論難可知詩大雅公劉傳荅難曰語從正義本周禮大雅樂注亦云荅難曰語荅難卽反覆辨論之意今本毛傳作論難誤廣韻六語引字林荅難曰語正本毛傳禮部韻略引作論難亦宋後所改

又案周禮大司樂疏引作直言曰論荅難曰語乃傳寫有誤賈氏正釋經文言語二字不應引論語字以詮之論乃言字之誤論議之作荅難又涉注語而誤也

**聲** 效也从言聲聲籀文磬字

濤案一切經音義卷六引聲亦效也今本奪亦字非是汪生

獻珏曰說文之例多有言亦者本部診視也後漢書王喬傳注引作診亦視也凡此之類全書不可枚舉故古本決有亦字

**詵**

致言也从言从先亦聲詩螽斯羽詵詵兮

溥案詩螽斯釋文云詵詵說文作𠄎是元朗所據本多部有𠄎篆今本奪此字淺人強以引詩語竄入詵下皆非也玉篇引作致言也無詩曰八字可證六朝及唐時本如此

又案焱部榮盛兒讀若詩莘莘征夫本書無莘字莘蓋𠄎字之譌則皇華之駉駉亦當作𠄎𠄎而許書之有𠄎斷然矣

**詩**

志也从言寺聲經古文詩省

漢書卷上之一引說文詩字作幾是古本古文篆體不  
作幾也或古文之一體今本誤奪

識驗也从言斂聲

漢書史記賈誼傳索隱引識驗言也文選鵬鳥賦注引識驗  
也有徵驗之言河洛所出書曰識魏都賦注亦引河洛所出  
書曰識是今本奪有徵驗以下十二字文選思元賦舊注引  
蒼頡篇曰識書河洛書也一切經音義卷九引三蒼曰識秘  
密書也出河洛是古字書無不以識爲河洛所出者二徐安  
刪此語淺陋甚矣驗卽諡字之通假古傳注皆釋識爲驗不  
應更著言字崇賢元應書所引皆無此字恐是小司馬書傳

寫誤行

又案一切經音義卷二引譏驗也謂占後有效驗也謂占以下當是庚氏注中語

訓說教也从言川聲

濤案一切經音義卷二十二引作訓導釋也此疑所引涉他書而誤未必古本如此篇韻亦無導釋之義

諭告也从言俞聲

濤案史記朝鮮傳索隱引作諭曉也蓋古本如是廣雅釋言云諭曉也禮記文王世子注諭猶曉也周禮掌交注諭告曉也是告曉義本相近諭之釋告亦見廣雅釋詁然觀小司馬

所引則許書本作曉不作告矣

又案下文諠告曉之孰也告曉二字連文或許書本作告曉也如周禮注所釋小司馬節引其一今本又誤奪其一耳

**閭**和說而諍也从言門聲

濤案一切經音義卷十二引作閭闔和說而爭蓋古本如是說解中閭字爲淺人所刪爭諍通用字

又案玉篇廣韻一切經音義三書皆云古文皆同是六朝唐本皆有重文豈篆今奪

**謨**議謀也从言莫聲虞書曰咎繇謨謨古文謨从口

濤案玉篇引同而古文暮字作暮此顧氏書誤字非古本如

是觀廣韻十一模謨古文正作暮可證矣廣韻又云亦作暮  
或魏晉閒有暮字耳非古文作暮也

**議**語也从言義聲

濤案御覽五百九十五文部引作議語也又曰論難也是古  
本尙有一曰論難也五字今奪

**信**誠也从人从言會意加古文从言省𠄎古文信

濤案汗簡卷上之一引說文信字作𠄎是古本古文篆體不  
作𠄎也今本疑誤

**誠**信也从言成聲

濤案一切經音義卷二十五引誠信也敬也而卷六但引誠

信也又引廣雅誠信也則敬也一訓乃元應自引廣雅傳寫奪廣雅誠三字耳非古本有此一解也

**詒** 告也从言告聲𠂔古文詒

濤案汗簡卷上之一引說文詒作𠂔蓋古本篆體如此今本疑傳寫微誤

**詒** 訓故言也从言古聲詩曰詒訓

濤案後漢書桓譚鄭興二傳注一切經音義卷二十二皆引云詒訓古言也蓋古本如此故卽詒字之假借不得以故釋詒詒訓二字連文毛詩云詒訓傳詩大雅古訓是式猶言詒訓是式詒从古聲許書聲亦兼義故以古釋詒詩關雎正義

曰詁者古也詩抑尔疋釋詁釋文皆引詁故言也疑後人據今本改而傳寫又奪訓字

又案詩抑告之話言釋文云說文作詁則元明所見說文本此處引詩作告之詁言矣毛傳曰話言古之善言也話當作古以古釋詁正與許同自毛詩本傳誤而淺人疑詩無告之話言句遂妄改如此

又案本部話字解引傳曰告之話言段先生曰當作春秋傳曰著之話言見文六年左氏傳淺人但知抑詩故改之刪春秋字妄擬詩可稱傳也抑詩作告之詁言於詁下稱之又妄改爲詩曰詁訓

諫深諫也从言念聲春秋傳曰辛伯諗周桓公

濤案左氏閔二年釋文引作深謀是古本不作諫諫不得言  
淺深詩四牡傳尔足釋言皆云諗念也念有深思熟慮之意  
故曰深謀淺人見桓十八年傳諗作諫遂妄改爲諫耳左氏  
閔二年傳注詩四牡箋皆云諗告也蓋深爲人謀而後告之  
言徒歌从言肉

濤案六書故云謠又作言徐本說文無諗字言徒歌也从言  
肉唐本曰言从也从言从肉肉亦聲謠徒歌也晁氏曰言余  
周切謠余招切是古本說文言謠分爲二字亦爲二音廣韻十  
八尤言从也以周切四宵謠謠歌也尔足徒歌謂之謠餘昭

切正與古本相合蓋𣎵爲繇之正字繇本通由故訓爲从玉爲亦云𣎵从也二徐妄刪謠字遂將徒歌之訓移於𣎵字之下又疑肉爲非聲妄刪聲字致後世之爲小學者皆以經典謠字爲𣎵之或體不知古本說文本有謠字也漢書五行志女童𣎵曰𣎵弧箕服此借𣎵爲謠非正字

又案五經文字云口謠上說文下經典相承隸省其所載說文之字雖已缺泐然曰隸省則說文必作謠經典省夕爲𣎵若說文本作𣎵而經典則謠字畫轉繁又何省之有乎

又案一切經音義卷十五卷二十引謠動歌也類聚四十三樂部引獨歌謂之謠獨歌徒歌義得兩通可見唐以前本皆

有謠字

訢 喜也从言斤聲

濤案漢書萬石君傳注晉灼引許慎曰訢古欣字也是六朝本說文訢在欠部爲欣之古文不知何時誤竄於此可見說文一書爲二徐所竄亂者不少矣

諧 詒也从言皆聲

濤案一切經音義卷十引作合也下文詒諧也古諧詒字如此合行而詒廢元應書益以通用字易古字非古本如是也篇韻亦同

調 和也从言周聲


濤案一切經音義卷十五引調勻也蓋古本如是勻疑均字  
之省卽今之韻字龠部餘調也樂諧韻則餘調引伸之則物  
之均平亦謂之調均从勻聲均勻義亦相近今俗猶有調勻  
之語

**詒** 合會善言也从言舌聲傳曰告之話言曾籀文話从會

濤案詩板釋文文選秋興賦七命注齊故安陸昭王碑文注  
齊竟陵文宣王行狀注皆引作會合善言也歸去來辭注引  
作會合爲善言也是古本作會合不作合會告當作著說已  
見前歸去來辭注多一爲字當是誤衍

**譏** 嘉善也从言我聲詩曰譏以諷我

濤案廣韻七歌引同惟溢字作謚蓋古本如是小徐本亦作謚尔正釋詁謚溢同訓爲慎今本毛詩之溢乃謚字之誤左傳引作何以恤我與謚古通字堯典惟刑之謚哉古文作恤可證也

辭去也从言𠂔聲

濤案文選魏都賦注別賦注七發注三引作謝辭也玉篇云謝辭也去也蓋古本作謝辭也去也謝本有辭去二義漢書陳餘傳注引晉灼曰以辭相告曰謝禮記曲禮若不得謝亦謂若不得辭注辭猶聽也非此卽訓辭之義楚辭橘頌願歲并謝招魂恐後之謝大招青春受謝叔師皆訓謝爲去廣雅釋詁亦

**疑** 疑也从言疑聲

濤案一切經音義卷十六引疑欺調也蓋古本如是廣雅釋  
疑調也正本許書通俗文亦云大調曰疑

又案音義卷二引字林疑欺調也或謂卷十六所引亦是字  
林傳寫誤爲說文不知字林率本說文往往同訓疑之訓疑  
義無可取不必曲護二徐也

**誣** 加也从言巫聲

濤案一切經音義卷十一卷十五卷十七卷二十一凡四引  
皆作加言也卷十引加言曰誣是古本有言字今奪段先主  
曰加言者架言也古無架字以架爲之淮南時則訓鵠加巢

加巢者架巢也毛詩箋曰鵲之作巢冬至加之劉昌宗音架  
又案戴侗六書故引唐本說文誣加諸也則元應所引言字  
乃諸字之誤論語我不欲人之加諸我也我亦欲無加諸人  
加諸二字連讀劉知幾史通采撰篇曰沈氏著書好誣先代  
魏收黨附北朝尤苦南國承其詭妄重以加諸舊唐書僕因  
懷恩傳曰彼奉先聖京供生異見妄作加諸是誣訓加諸唐  
人皆知其義二徐妄刪諸字而傳寫元應書者又改諸爲言  
遂使故訓日湮而經讀亦誤今人讀論語者皆以諸人諸我連文此唐本之所  
以可貴也

 講也从言州聲

濤案一切經音義卷六卷十四卷二十五皆引訓詁也之授  
反卷十七云祝說文作訓今作呪同之授反玉篇云訓說文  
職又切詛也蓋古本如此此卽詛呪正字今本乃淺人妄改  
音市流切亦誤下文詛訓也正許書互訓之例

**詛**

誤也从言圭或从言佳省聲

濤案後漢書光武紀寇恂傳兩注皆引作亦誤也是古本尙  
有亦字說詳本部瞽字

**謔**

痛也从言喜聲

濤案一切經音義卷七引作痛聲也是古本多一聲字今奪

**詆**

多言也从言世聲詩曰無然詆詆

卷三  
津  
濤案口部咄多言也从口世聲詩曰無然咄咄詩板釋文云  
泄說文作咄則是口部有稱詩語而此解無之乃二徐妄竄  
若云三家詩則許君明言傳詩毛氏必不自亂其例而元朗  
又何以不云又作詆耶

堅音不思稱意也从言此聲詩曰翕翕訛訛

濤案一切經音義卷七引訾量也思也卷十二卷十八引訾  
思也卷十三引思稱意曰訾訾思也卷二十引訾思稱意也  
蓋古本無不字國語齊語列子說符注皆云訾量也禮記少  
儀注云訾思也正與訐合思也上當有一曰二字

又案詩小豳傳曰訛訛然思不稱其上今本蓋據此而改然

曰不思稱意則語不詞矣桂大令曰本書當作思不稱意也  
音義引本書當爲思不稱意曰皆

**譌**語相反譌也从言還聲

濤案六書故引唐本說文曰言語相反也則今本反乃及字  
之誤又妄增一譌字耳玉篇譌諸語相及正本說文其爲及  
字無疑

又案陳微君曰走部還迫也迫卽逮字逮訓及還訓逮還爲  
行相及則譌爲語相及無疑

**譌**言壯兒一曰數相怒也从言尙聲讀若蜚

濤案廣韻十二齊引譌自是也與今本兩解皆異譌字經典

罕用廣韻所引疑一解之奪文

詵 相呼誘也从言兆聲

濤案列子力命篇釋文引詵相誘也文選報任安書注引挑  
卽詵字之假借相呼也皆節引非完文玉篇引同今本可證

誇 諛也从言夸聲

濤案文選長楊賦注引作誇誕也此因諛誇誕三字義相涉  
而誤非古本如此篇韻亦皆不以誕詁誇

誕 詞誕也从言誕聲通籀文誕省正

濤案一切經音義卷十七引誕大也蓋古本如是尔正釋詁  
詩毛傳皆云誕大也與許解合今本義不可通元應書大

也下又有不實也三字當是衍說文語

**讀**

中止也从言貴聲司馬法曰師多則人讀讀止也

濤案文選魏都賦注引讀下有列字乃涉賦語襲偏餐以讀列而衍非古本如是也

**聾**

擾也从言聾聲

濤案一切經音義卷二十二引擾耳孔也蓋古本如是卷二十引作擾耳也乃傳寫奪一孔子元應書卷二十二又引蒼頡篇曰聾擾耳孔也擾耳孔自是古語今本爲淺人妄刪

**譁**

譁也从言謹聲

濤案一切經音義卷二十引譁蹕呼也蓋古本如是蹕呼卽

譁今本義雖得通而非許警具面目矣

**譁**狂者之妄言也从言參聲

濤案一切經音義卷二十引作托者之言也乃傳寫奪誤非古本如是

**𡗗**大呼自勉也从言暴省聲

濤案廣韻四覺引𡗗字作𡗗蓋古本如是漢書東方朔傳舍人不勝痛呼𡗗注曰𡗗自𡗗痛之聲也則今本作𡗗者誤尔正釋訓釋文引亦作自𡗗而大呼下衍一也字

**𡗗**失氣言一曰不止也从言𡗗省聲傳毅讀若惛𡗗猶文𡗗不省

壽案文選東都賦注史記項羽本紀索隱一切經音義卷十  
皆引讐失氣也卷十九引讐失氣也讐怖也一曰言不止也  
蓋古本如是一曰不止也語頗不詞據元應所引則古本言  
字在一曰以下今本傳寫誤倒又奪怖也一訓耳玉篇亦云  
言不止也當本許書

又案晉書音義卷二惛作摺乃傳寫有誤

**詖**言謂讐也从言習聲

壽案一切經音義卷二十引詖讐也當是傳寫奪誤非古本  
如是玉篇云詖讐言不正也可見詖讐二字連文據此則讐  
字注言不止也疑爲言不正之誤

說也从言句聲訛或省說詢或从兕

濤案六書故引唐本說文作訟也篇韻亦云詢訟也則是今本作說者乃二徐所妄改矣尔正釋言訕訟也詩小雅魯頌傳箋皆曰訟也古無以訕訓爲說者

訟爭也从言公一曰訶訟谿古文訟

濤案汗簡卷上之一引說文訟字作谿蓋古本篆體如此今本恐誤

訶大言而怒也从言可聲

濤案文選曹子建與楊德祖書注引無而怒二字當是崇賢節引非古本如是

訐 面相斥罪相告訐也从言干聲

濤案文選三都賦注引訐面相斥罪也無相告訐三字西征賦注引同蓋古本如此面相斥罪卽相告訐之意今本衍此字語意重複矣論語衛靈公釋文引面相斥乃傳寫奪一罪字

譏 譏謔也从言焦聲讀若嚼諺古文譏从肖周書曰亦未敢謂公

濤案史記朝鮮傳索隱引譏讓也蓋古本如是譏讓二字從無連文者方言訓譏爲讓正許君所引今本之誤顯然

訛 讓也从言卒聲國語曰諄申胥

濤案列子力命篇釋文引諄責讓也是古本多一責字今本  
吳語作諷注曰諷告讓也告讓卽責讓之意六朝書體卒字  
作𠂔故諄字傳寫每誤作諷詩墓門歌以諷之釋文云本又  
作諄記予不顧楚辭章句引作諄予不顧可證

詭責也从言危聲

濤案御覽四百九十四人事部引詭責也又橫射物爲詭蓋  
古本有一口橫射物爲詭七字孟子趙注橫而射之曰詭遇  
正本許書

又案文選西京賦注引詭違也海賦注繫伯休與魏文帝牋  
注沈休文謝靈運傳論注陸士衡辨亡詭注皆引詭變也孔

文舉薦禰衡表注引詭責也三引不同當是古本尙有違變  
二訓今本爲淺人妄刪耳

**視** 視也从言參聲

濤案此條當依後漢書注所引已見前譬字條下一切經音  
義卷二引作視之也此誤衍之字非古本如此

**誅** 討也从言朱聲

濤案一切經音義卷二十三引誅討也亦責也疑古本有一  
曰責也四字

**諳** 悉也从言音聲

濤案一切經音義卷二十二云諳說文作諳於禁反大聲也蓋

古本如此乃啗啞正字史記假兒泣不止字爲之諳之訓悉乃引申之義今本爲淺人妄改矣

諳行之迹也从言兮皿闕

諳笑兒从言益聲

譌案五經文字中云諳諳嘗利反上說文下字林字林以諳爲笑聲音呼益反今用上字一切經音義卷十三引說文諳行之迹也从言益聲戴侗六書故曰唐本無諳字但有諳行之迹也字林諳从皿當作从益廣韻六至諳字注引說文作諳是唐以前本說文皆有諳無諳其以諳爲笑聲者乃字林非說文大徐別撰从言从兮从皿之字而以行迹之本字反用呂

忱之解以改許書可謂無知妄作矣藝文類聚四十禮部引  
諡說行之迹也說字當是傳寫誤衍嚴孝廉曰諡卽諡之行  
艸校者以行艸爲篆體因改說解之从益爲从兮皿闕  
又案類聚四十禮部引諡者說行之迹也說字當是傳寫誤  
衍者字乃虞氏所足

**詬** 譏詬恥也从言后聲詬詬或从句

濤案文選于令升晉紀總論注劉孝標辨命論注兩引詬恥  
也蓋古本如是譏詬二字皆訓爲恥不必連文方訓爲恥也  
若如今本則當云譏詬恥也詬譏詬也方合許書之例

**譏** 軍中反閒也从言某聲

三  
三  
濤案文選吳都賦注引謀記也蓋古本有一日記也四字  
又案莊子列禦寇釋文引謀聞也乃古書節引之例非元朗  
所據本如是

譯傳譯四夷之言者从言畢聲

濤案文選司馬長卿喻蜀檄注引譯傳也傳四夷之語也蓋  
古本如是後漢書和帝紀注引譯傳四夷之語也文選東京  
賦注引譯傳四夷之語者是古本傳下總無譯字許君以傳  
釋譯不得更言譯也者下富有也字章懷崇賢兩引皆有所  
節魏都賦注引四夷作四方蓋傳寫之誤

補  
譯

濤案左氏莊十四年傳繩息媯以語楚子注云繩譽也釋文云繩說文作譏是古本有譏篆並有併經語今奪正義曰字書繩作譏从言訓爲譽

補  
譏

濤案本書彳部謬使也从彳謬聲則言部有謬字玉篇謬言也

補  
譏

濤案玉篇譏說文譏同譏災也又巧言貌是古本有譏篆重文作譏

音部

言凡樂曲盡爲竟从音从几

濤案九經字樣竟樂曲終也是古本作終不作盡六書故亦引作終

辛部

童重男有辜曰奴奴曰童女曰妾从辛重省聲童縮文童中與中同从甘甘以爲古文疾字

濤案一切經音義卷六引作男有罪爲奴曰童蓋古本如是童妾皆有罪爲奴之傳以男女而分之今本誤爲爲曰又衍奴字誤玉篇亦云男有罪爲奴曰童當本許書九經字樣引男有罪曰童乃節去爲奴二字總不得如今本所云也古僮

僕字作童童冠字作僮後人傳寫互易元應書作僮乃用當時通用字

𠂔部

𠂔 竦手也从𠂔从又凡𠂔之屬皆从𠂔𠂔揚雄說𠂔从兩手  
壽案一切經音義卷二引作拱手蓋古本亦有如是作者義  
得兩通卷三又引收兩手共持也疑重文兩手下古本尙有  
共持也三字

𠂔 械也从𠂔持斤并力之兒𠂔古文兵从人𠂔千兵縮文  
壽案玉篇引作从斤斤兵也蓋今本奪斤兵也三字顧氏又  
奪𠂔持二字耳

𣎵圍碁也从𠂇亦聲論語曰不有博奕者乎

濤案一切經音義卷八云說文方言自關而東齊魯之間皆謂圍碁爲奕是古本此解作自關而東齊魯之間謂圍碁爲奕今本乃淺人妄節耳許書用方言爲解者甚多此卽其一

貝共置也从𠂇从貝省古以貝爲貨

濤案玉篇引說解同而字在目部豈希馮所見本从目不从貝省耶然从目無義𠂇部亦載之恐目部乃孫強輩妄增

𠂇部

𠂇起也从𠂇从同二力也

濤案文選

關中詩顏延年和謝靈運詩注引興悅也乃

古一曰以下之奪文女部有娛篆亦訓爲悅蓋字从興聲故可同訓不得疑選注所引爲被字解也

晨部

𡵓晨耕也从晨何聲𡵓縮文𡵓从林𡵓古文農𡵓亦古文農

濤案一切經音義卷十引農耕人也蓋古本如此今本奪人字耳莊子讓王篇石戶之農釋文引李注云農耕人也與此解同蓋古訓如此人當作民避唐諱改音義卷二十四引同今本乃後人據今本改

爨部

𡵓齊謂之炊爨曰象持甌口爲甌口爿推林內火凡爨之屬

皆从爨

清案一切經音義卷十七云三蒼爨炊也字从臼持缶缶飯也同爲竈口卅以推柴內火字意也此雖不引說文而字从以下數語皆本許書今本已爲二徐節刪又誤柴爲林皆非是此从兩木爲柴形非从林也

說文古本攷第三卷下

嘉興沈濤發

革部

革獸皮治去其毛革更之象古文革之形凡革之屬皆从革  
革古文革从三十三十年爲一世而道更也曰聲

濤案一切經音義卷十四引獸去毛曰革革更也獸皮治去  
毛變更之故以爲革字也革者更也字三十从口口爲國邑  
國三十年而法更別取別異之意也口音韋蓋古本如是口  
音韋三字乃音隱之語又卷十七引獸去毛曰革言治去毛  
變更之也故从三十从口口爲國邑國三十年而法更別取  
別意之意也曰韋也曰韋也乃口音之誤今本誤奪致不可

通

又案元應書卷十八音義云革更也謂獸皮治去變更之也字从三十从口口爲國邑國三十年而法更別取別異之意口音韋卷二十二音義云革更也字从三十从口口爲國邑國三十年而法更別取別異之意也口音韋也皆與卷十四卷十七大旨相同而不言說文乃傳寫偶奪耳

又案左氏隱五年傳正義引革獸皮治去其毛革更之詩羔羊正義周禮司裘疏引獸皮治去其毛曰革革更也此乃孔賈隱括節引革更之猶言變更之之下卻無象字可見所據之本亦與今本不同矣

**鞮** 去毛皮也論語曰虎豹之鞮从革郭聲

濤案詩載驅韓奕正義皆引鞮革也蓋古本如是部首云革獸皮治去其毛訓革義即明了不勞複出矣

**鞮** 革履也从革是聲

濤案周禮鞮履氏釋文云鞮許慎云履也呂忱云革履也一切經音義卷十七引鞮韋履也竊意鞮字从革不應單訓爲履疑元朗所引履也亦韋履也傳寫之誤韋革同物呂氏革履之訓即本說文又元應書卷十四文選長門賦注御覽六百九十八服章部引同今本蓋古本亦有如是作者初學記二十六服食部引作草履亦革履傳寫之誤

卷三  
𩇑 𩇑遼也从革召聲𩇑𩇑或从兆𩇑𩇑或从鼓从兆𩇑𩇑猶文  
𩇑从鼓召

濤案爾雅釋樂釋文引作遼也蓋古本如是今本𩇑字衍韻  
會四豪引同則小徐本尙不誤也

𩇑 𩇑轡革也从革巴聲

濤案一切經音義卷十九引作轡節蓋古本如是尔正釋器  
釋文引字林云轡革也二徐蓋以字林改解說文耳

𩇑 𩇑著掖鞬也从革顯聲

濤案左傳僖二十八年釋文正義皆引作著掖皮也蓋古本  
如是史記禮書絞鞬集解引徐廣曰鞬者當馬腋之正與許

許合則知今本作鞞者誤

鞞引軸也从革引聲鞞籀文鞞

壽案荀子禮論注引作所以引軸也蓋古本如是今本奪所以二字左氏僖二十八年傳釋文一切經音義卷一引鞞軸也乃傳寫誤奪左氏正義兩引皆有引字可證

鞞馬頭絡銜也从革力聲

壽案華嚴經音義下引曰勒謂馬頭鑣銜也蓋古本不作絡金部街馬勒口中也鑣馬銜也三字互訓則作鑣爲是古本當云勒馬頭鑣銜也謂字乃慧苑所足一切經音義卷十四卷十五引同今本也十四卷也作者是古本亦有如是作者義得兩通

三  
轡 驅也从革便聲古文鞭

濤案初學記卷二十二武部引作驅遲也蓋古本如是今本奪遲字

鞮 頸鞮也从革央聲

濤案左氏僖二十八年傳釋文正義皆引作頸皮也蓋古本如是然文選謝元暉京洛在發詩注一切經音義卷三卷六廣韻三十六養所引皆同今本則今本義得兩通

鬲部

鬲 三足鍱也一曰滫米器也从鬲支聲

濤案御覽七百五十七器物部引鍱作金鍱如金而口大義

得兩通然玉篇亦云金也則古本作金不作銀矣

𨾏 𨾏大金也一曰鼎大上小下若甌曰𨾏从𨾏𨾏聲讀若岑𨾏  
縮文𨾏

壽案大上小下類聚七十三雜器物部引作上大下小乃傳  
寫誤倒義得兩通而古人文法不如是也

𨾏 𨾏屬从𨾏曾聲

壽案一切經音義卷十云𨾏縮文作𨾏是古本𨾏字有重文  
矣𨾏爲𨾏屬𨾏字縮文从雙弓此𨾏字縮文亦从雙弓正其  
例也

𨾏 𨾏屬从𨾏虎聲

彌部

**𩚑** 𩚑也古文亦𩚑字象孰飪五味氣上出也凡𩚑之屬背从

壽案九經字樣無飪字蓋予度所據本如此義亦未通

粥 健也从粥米聲

壽案一切經音義卷十三引粥糜也粥卽鬻字之別糜乃糜  
字之誤蓋古本作糜不作饑米部糜糝也黃帝初教作糜初

學記藝文類聚七十二食物部北堂書鈔皆引周書曰黃帝始亨穀爲粥則知糜粥爲一物釋名釋飲食曰糜煮米使糜爛也粥淖於糜粥粥然也下文鬻健也疑健鬻互訓上文健字解乃鬻也之誤

又案龍龕手鑑引作稀食也又與他書所引不同當是所據本異而亦不作健

又案玉篇云說文又音糜廣韻一屋云說文本音糜糜亦糜字之譌大徐知之六切爲俗音不知作健之亦爲俗本也漢書孝文紀注師古曰鬻淖糜也小顏訓解往往本於說文是古本無作健者

五  
《羹》五味盍羹也从弼从羔詩曰亦有和羹羹或省羹或从美羹省羹小篆从羔从美

濤案初學記卷二十六服食部引作五味和也蓋古本如是  
五味和謂之羹解中不應有羹字御覽八百六十一飲食部  
引作五味和弼也弼乃羹字之誤殆後人據今本說文改此  
又傳寫誤羹爲弼耳初學記所引又有燒豕肉羹也五字當  
是庾氏注中語北堂書鈔古唐類範酒食部皆引作五味之  
和

《耳》粉餅也从弼耳聲弼或从食耳聲


濤案後漢酷吏樊曄傳注引餌餅也乃章懷節引非古本無

粉字也御覽八百六十飲食部廣韻七志引同今本可證

熬也从粥獨聲

壽案尔正釋草釋文引燭火乾物也燭卽𤇀字之別體所引豈古本一曰以下之奪文耶然釋文又引三蒼去熬也而一切經音義卷三卷十四十八所今皆同今本則元朗書三蒼說文四字傳寫誤倒耳

爪部

𠂔字也从爪从子一曰信也𠂔古文孚从𠂔𠂔古文𠂔𠂔案一切經音義卷二引作𠂔卽𠂔字也或云𠂔伏也卽𠂔字乃傳寫誤衍是古本尙有伏也一訓今奪

尹部

𢇛 相𢇛𢇛也从尹谷聲

濤案史記司馬相如傳索隱引作𢇛勞也燕人謂勞爲𢇛本無爲字蓋古本如此今本語不可解當是二徐妄改傳寫又有舛誤耳史記集解引郭璞曰𢇛疲極也索隱又引司馬彪云𢇛倦也皆與許解相同

又案人部御微御受屈也从人卻聲言說文皆以爲𢇛之正字然史記漢書相如傳及文選子虛賦皆作𢇛不作御小徐於此字雖云許氏全用相如賦語而於尹部又引相如賦微𢇛受屈則楚金所見史漢文選本亦皆作𢇛不作御且御字

他書無見惟方言云𠂔倦也亦作𠂔不作𠂔而蘇林漢書注云卻音倦𠂔之𠂔正本方言則方言本亦作𠂔其作𠂔者傳寫誤加人旁耳且微𠂔受訓云者司馬彪曰微𠂔受其倦者李善曰受屈取其力屈也顏師古曰言獸有倦極者要而取之力盡者受而有之𠂔訓各自爲義許君卽用相如此語亦應先解𠂔字正義然後明引相如說以證之如禾部𥽿字口部𠂔字之例不應竟以微𠂔受屈四字訓釋𠂔字許書無此例也人部𠂔字疑二徐妄增又案心部𠂔勞也从心卻聲姚尙書文田以爲相如賦中𠂔之正字然訓解雖與索隱所引合而亦無燕人謂勞爲𠂔之語恐與𠂔字同訓而非長卿所

用之字也

𢶏 拖持也从反𠂔闕

濤案玉篇引作亦持也蓋古本如是此與爪部爪亦𠂔也同  
例今本拖持無義

門部

𠂔 兩士相對兵杖在後象相門之形凡門之屬皆从門

濤案廣韻五侯引杖作仗九經字樣亦作仗是古本不作仗  
也

又部

𠂔 拭也从又持巾在尸下

濤案五經文字作叔飾也是古本不作拭巾部飾叔也叔飾  
互訓

叔拾也从又未聲汝南名收芋爲叔叔或从寸

濤案詩七月正義曰說文云叔拾也亦爲叔伯之字是古本  
說文必有一解而爲二徐刪之矣

𦰩掃竹也从又持挂𦰩𦰩或从竹𦰩古文𦰩从竹从習

濤案一切經音義卷十五引掃竹所以用掃者也所以用掃  
云云疑庾氏注中語

𡥉同志爲友从二又相交友也𡥉古文友𡥉亦古文友

濤案御覽四百六人事部引友愛也同志爲友是今本奪愛

也二字

又案五經文字云友說文从二又相交則此解當讀交字句  
絕友也二字必愛也二字之誤蓋古本作同志爲友从二又  
相交一曰愛也大徐誤以二又句絕遂改愛爲友以相交友  
連讀妄刪一曰二字誤矣

小徐本無友  
也二字亦誤

又案一切經音義卷八卷十四引友同志也當是元應禪括  
其詞非古本如是卷二十五引同門曰朋同志曰友是古本  
有同門曰朋四字

補  
配

濤案本書艸部蔽从艸叔聲目部瞋或从叔邑部邨从蔽省

是古本有𣦵篆今奪玉篇𣦵𣦵息也苦壞切廣韻十六怪𣦵太  
息苦怪切音義當如篇韻所列

吏部

𣦵職也从史之省聲𣦵古文事

薄案汗簡卷上之一引說文事字作𣦵蓋古本古文篆體不  
作𣦵也𣦵字見又部郭氏以爲使字出義雲切韻

又案繫傳臣錯曰此則之字不省也是小徐本所據本古文  
事字从出从叟與汗簡同

聿部

聿習也从聿聿聲赫籀文聿赫篆文聿

三  
九  
濤案五經文字下云隸𦵏肆並弋二反習也上說文中字林  
下經典及釋文相承隸省是古本無𦵏篆𦵏篆亦出字林又  
左傳文四年正義引作肆从肆牙聲蓋古本此字从肆从牙  
爲正字其从彖从隶者乃籀體孔張各舉其一𦵏篆出字林  
更非說文所有二徐誤爲从彖乃涉重文而誤小徐音

切大徐音羊至切皆與牙聲相近彖聲則甚遠矣又據字林  
妄增𦵏篆更誤

又案玉篇以𦵏爲篆文肆爲籀文又與今本說文不同要當  
以孔張所引爲正

畫部

畫田界也象田四界聿所以畫之凡畫之屬皆从畫古文畫

翻亦古文畫

濤案張彥遠法書名畫記引畫畛也象田畛畔所以畫也與  
今本不同嚴孝廉曰行艸界字作畛與畛形近然則彥遠所  
據與今同傳寫誤爲畛耳

隶部

𥝱 附著也从隶柰聲𥝱篆文隸从古文之體

濤案一切經音義卷三云隸附著也字从米𥝱聲古者縣人  
擇米以供祭祀故从米也又卷一云隸從米𥝱聲𥝱字從又  
從崇九經字樣云案周禮女子入于春槩男子入于罪縣縣

字故从又持米从柰聲又象人手也經典相承作隸已久不可改正桂大令曰柰此二說謂隸皆从米唐本當如此但不知何以屬隶部柰楊君石門頌作隸卽九經字樣之說魯峻碑作隸卽一切經音義之說出變爲士與貴作實同楊淮碑作穀或古文與

𠂔部

𠂔 堅也从又臣聲凡𠂔之屬皆从𠂔讀若鏗鏘之鏗古文以爲賢字

灋案詩卷阿正義引云賢堅也以其人能堅正然後可爲人臣故字从臣以其以下疑說文注中語

豎立也从収豆聲

濤案一切經音義卷十六毗尼母律第五卷云燭樹或作豎  
說文樹立也樹無立訓蓋元應引許書本作豎乃釋注文之  
或作也後人見標題燭樹遂妄改爲樹非古本如是據此則  
古本此解不重豎字今本亦誤

収部

𢇛

繇擊也从収豆聲古文殺如此

濤案玉篇云𢇛古文投則今本殺字乃投之字誤

毆

捶毆物也从収區聲

濤案一切經音義卷二十二引作擊也卷二十二引毆捶擊

也蓋古本無物字今本蓋涉上文殺椎擊物而誤衍耳元應書二十二卷所引亦奪捶字

**𡗗**擊頭也从父高聲

濤案文選賈誼過秦論注引𡗗擊也乃崇賢節引非古本無頭字左傳定二年釋文引同今本可證

**𡗗**擊聲也从父屍聲

濤案御覽一百七十五居處部引殿堂之高大者也蓋古本如此初學記 部引蒼頡篇云殿大堂也正與許合土

部堂殿也堂訓爲殿殿訓爲堂正許書互訓之例經典堂殿字習見而傳注中從無以殿爲擊聲者今本之誤顯然

又案左氏定二年傳奪之杖以敲之釋文云說文作敲云擊頭也字林同又一曰擊聲也然則擊聲乃敲之一訓敲殿二篆相次必傳寫者誤竄於殿字之下二徐不察遂使敲字缺別解而殿字橫生異解矣

**𢦏** 妄怒也一曰有決也从父彖聲

濤案一切經音義卷九引決下有之字乃傳寫誤衍卷下引同今本可證

又案一切經音義卷二十二引殺果決也殺敵爲果致果爲殺也果決當爲有決傳寫之誤是古本尙有殺敵以下八字

九部

𠂇 新生羽而飛也从儿从彡

濤案玉篇引無而字蓋古本如此今本誤衍

寸部

𠂇 十分也人手卻一寸動颺謂之寸口从又一凡寸之屬皆从寸

濤案廣韻二十六恩引度量衡以粟生之十粟爲一分十分爲一寸十分爲一尺乃是引說苑語傳寫爲說文非古本有此數語也

𠂇 釋理也从工从口从又从寸工口亂也又寸分理之彡聲此與𠂇同意度人之兩臂爲尋八寸也

壽案六書故云唐本不从口而从几唐辛度林罕云古文从寸从尺九經字樣云度人之兩臂爲尋釋理也从口从工从又寸分理之从彡聲上說文下隸省作尋者訛則唐本从几正辛度所云當時誤本耳林罕書不可見辛度並無从尺之說更不知戴氏何見所本也

皮部

𩚑面生氣也从皮包聲

壽案一切經音義卷十四卷十六卷十八引作面生熱氣也卷二十二引面生熱氣曰𩚑是古本生下多一熱字下文𩚑面黑氣也蓋面之熱氣爲𩚑面之黑氣爲𩚑熱字不可少元

應書卷二卷六卷七卷九卷十七卷二十卷二十四所引皆同今本疑後人據今本改

支部

啟教也从支启聲論語曰不憤不啟

濤案華嚴經卷二音義引啟開也此口乃口部启字之訓經典皆通用啟慧苑以通用字易本字非古本教字作開也凡傳注訓開者皆爲启之假字惟論語述而篇乃啟迪正字故許引以明之又華嚴經卷二十一音義引說文云啟開也教也是合啟启爲一字論語皇疏亦訓啟爲開蓋六朝以後啟启不兮啟行而启廢矣

𦣻 擊也从攴肇省聲

濤案玉篇肇俗肇字五經文字云肇作肇謾蓋古本無肇字  
經典釋文開成石經肇皆从攴可證今本乃後人妄竄

𦣻 迨也从攴白聲周書曰帝敔常任

濤案史記梁孝王世家索隱引迫笮也迫卽𦣻之假借字蓋  
古本作笮不作迨竹部笮迫也迫亦𦣻之假𦣻笮笮𦣻正互  
訓之例

𦣻 敔也从攴專聲周書曰用敔遺後人

濤案史記建元以來侯者年表索隱引敔讀如躍今本無讀  
如躍三字然專聲與躍甚遠疑傳寫有誤非古本如是敔與

施同讀非卽施字廣韻十虞竟引作施亦誤

𡗗 平治高土可以遠望也从支尙聲

壽案一切經音義十四引無以字蓋傳寫偶奪

𡗗 置也从支赤聲𡗗𡗗或从亦

壽案一切經音義卷五引𡗗寬免也是古本有一曰寬免也

五字置𡗗互訓四部置𡗗不足釋詁訓𡗗爲舍卽捨字之假借捨之猶

言置之不得疑今本爲誤公羊昭十八年傳云𡗗止者免止

之罪辭也是𡗗有免訓元應所引其爲一解無疑

𡗗 行水也从支从人水省𡗗秦刻石嶧山文攸字如此

壽案六書故引唐本說文曰水行攸攸也其中从𡗗是古本

从水不省詩衛風傳曰洌洌流兒洌乃攸字之俗洌洌卽攸攸也許解蓋用毛義可見二徐之譌奪矣

又案吾邱衍學古編嶧山碑有徐氏門人鄭文寶依真本刊者攸字立人相迎一直筆作兩股桂大令曰此說與唐本文合與此文異

 暴也从攴从完

濤案一切經音義引寇暴者乃傳寫誤也爲者他卷皆引同今本可證

 閉也从攴度聲讀若杜勵攸或从刀

濤案華嚴經音義下引攸塞閉也是古本尙有塞字今奪玉

篇亦訓敔爲塞

𦔻擊鼓也从攴从壹壹亦聲

濤案六書故引蜀本說文曰从攴言其攴然遠聞也此亦陽  
冰穿鑿之說

又案華嚴經音義下引鼓擊也蓋古本無鼓字凡考擊之字  
皆當作从攴之鼓如鼓鐘鼓瑟今皆作鼓者誤不必擊鼓方  
用此字也此與鐘鼓字形易相亂鼓字乃淺人妄增玉篇亦  
云鼓擊也

𦔻擊也从攴句聲讀若扣

濤案一切經音義卷二十五引破亦擊也蓋古本有亦字今

本爲淺人妄刪

敲橫搥也从攴高聲

濤案一切經音義卷九云敲又作敲蒼頡篇作敲同苦交反  
下擊也說文云橫搥也擊頭也卷十二同無又作敲三字卷  
十五兩引敲橫搥也皆云又作敲同口交反謂下擊也卷十  
六云敲又作敲同口交反說文敲橫搥也謂下打者也卷十  
一引敲橫搥也亦下擊也本書無搥字搥卽搥字之別攴部  
敲擊頭也左氏定二年傳奪之杖以敲之釋文云說文作敲  
云擊頭也訓此敲云橫搥也是唐本說文敲敲本二字元應  
不應誤令爲一其下擊之訓他卷皆引于說文之上則非許

說可知

鉸持也从支金聲讀若琴

壽案廣韻五十二沁引作持止也蓋古本有止字今奪玉篇亦止鉸持止也當本說文

教部

教

上所施下所效也从支从孝凡皆之屬皆从教辨古文教

教亦古文教

壽案汗簡卷上之一教見說文部一本如此作一本者說文之異本也然則古本說文有教則無教有教則無教今本二篆並列且辨篆亦與恕先所引不同皆誤

卜部

卜灼剝龜也象灸龜之形一曰象龜兆之從橫也凡卜之屬皆从卜古文卜

澇案御覽七百二十五方術部引卜灼龜也是古本無剝字呂覽制樂篇注云灼龜曰卜白虎通書龜篇云卜赴也爆見兆也爆卽是灼古人皆以灼龜訓卜無言剝龜者

𠂔灼龜坼也从卜兆象形𠂔古文兆省

澇案汗簡卷下之二𠂔兆是今本古文篆體微誤